

V. *Observationes duæ rariores, ex Literis Viri Doc-tissimi Johannis Huxham, M.D. ad Jacobum Jurin, R.S. Secr.*

O B S E R V A T. I.

Ingens Omentum.

Veterani cujusdam Militis uxor dolore colico & vomitu diu laboraverat, quibus supervenit ventris tumor durus, qui auctus indies magnam in molem excrevit. Jam evomuntur omnia, bilis atra, sincera, tandem & ipsæ foeces alvinæ. Dolor vero persæpe immanis in sinistro præsertim hypochondrio, fatus, cathartica, enemata, anodyna, plurima Pharmacopoeio *Collins* adhibentur ; incassum omnia ; permanet dolor, increvit usque tumor, digitorum pressui haud magis cedens quam si lignum fuisset. Ex hocce tumore plura quasi tubera enata sunt, quorum unum alterumve caput puerile, alia pugnum virilem, magnitudine æquabant : eminet autem maximum in sinistro hypochondrio, ubi gravissimum persensit dolorem, ita ut sapienter clamaverit se voluisse tumorem ibidem loci fore perfosum. Incremento tumore facta est valde dyspnoica. Tanta tamque atrocia per menses fere 14 perpetua fuerat mulier, cum tandem grata venit morborum requies, mors.

Mihi enarravit casum Pharmacopolæ, rogavit insuper ut viscera inciso abdomine inspicerem, quod cum alio medico feci perlubens.

Nudato

Nudato cadavere montosum observavimus ventrem ; reliquum vero corpus summa macie confectum. Secto abdomine in conspectum se dedit ingens quasi sebi massa (nisi quod colore fuit minus alba) totum ventris cavum adimplens, ita ut nec ventriculus, nec jejunum, neque intestina apparerent ulla ; adhæserat enim omentum hoc enorme peritonæo pluribus in locis, in utroque præfertim hypochondrio, ubi & latior & firmior fuit cohærentia. Secto autem in modum crucis peritonæo, & ab omento separato, conspeximus illum in pelvem fere detrusum, omentum etiam toti jocinoris cavo annexum, ventriculum hac mole oppressum, uti & duodenum, colon & jejunum : cum adiposo renum involucro (sinistro præcipue) connexum & quasi confusum fuit ; adeo ut colon, altius paulo quam in rectum desinit, sebo hocce concreto fuit penitus involutum, hinc fœcibus præclusum iter, hinc illæ lachrymæ, hinc dolores illi sævissimi, quibus ante mortem excruciaata fuerat mulier : & ut hic obiter notem, per plures dies ante mortem nec sua sponte nec vel clysmatibus acerriinis irritata alvus fœces dejecerat illas.

His lustratis ingens separavimus omentum à jecore, ventriculo, schirroso pancreate, intestinis, tandem & à mesenterio, & ab interna peritonæi lamina renibus instrata. Splen fuit hac massa quodam modo demersus, contractior & quasi coriaceus. Hunc quasi sebi montem exemi denique & per famulum nostrum domum misi : erat autem animus omentum hoc morbidum accuratius perspiciendi, cumjam enim advesperasceret defuit opportunitas.

Pendebat omentum hocce ita xvi $\frac{1}{2}$ Avoird. nec tamen abstulimus unam saltem alteramve libram partibus adhærentem. Pondus hercle maximum ! Si consideremus ex obesiore homine omentum vix libras pendere tres, majus certe inveni antehac nunquam, quanquam

quanquam & secui & dissecta vidi plurima hominum cadavera. Fateor equidem longe majus à *Gregorio Horstio* in suis observat. memoratum fuisse, majus etiam in Ephemerid. *German.* ann. x. veruntamen hoc quoque nostrum monstris annumerari merito debet.

Hujus & in extima parte, nec non in interiore substantia, plura observavi vas a sanguinea, eaque certe maxime dilatata, quorum aliqua penna anserina majora, aliqua vero quasi in aneurismatibus terminantia. Ex horum aneurismatum (si ita dicam) maximo uncias circiter sex nigricantis sanguinis extraxi cum quibusdam grumis albidiорibus ; anne adipis particulæ à venis epiploicis absorptæ atque morbo congelatæ ?

Ex plurimis lobis conflari mihi videbatur massa hæcce, sibi invicem arcte hærentibus ; aliquos tamen separavi, quorum pauci ponio minori fuere magnitudine æquales, forma haud absimiles. Media hujus pars, cætera durior, cultro haud facile cedebat.

In isthoc cadavere sequentia etiam fuere observata digniora. Inferior hepatis pars in schirrum abierat. Ex vesica fellea plures exempti calculos, carbonem fossilem colore referentes, friabiles, aquam innatantes, quos bilem haud improprie nominares splendidam ; his quippe quum inerant plurimæ particulæ micantes, haud dubio salinæ.

Mesenterii glandulæ fuere schirrosæ, imo quædam in substantiam pene lapidæam induratae. Intestina tenua fuere inflammata, colon cum cœco fere totum gangrena correptum, etiam processus ipse vermicularis.

Ren uterque fuit sanus satis : dexter autem emisit ureteres duos : cum vero renem dissecuisset, percepit facile, quid esset in causa, cur ureter hic fuit duplex. Renis enim pelvis septo quodam fuit divisa, digitum transversum

transversum crasso, ejusdem perfectè substantiæ cum reliquo renis parenchymate.

Hic fuit ren quasi duplex, cui duplex pelvis, ureterque duplex.

Erant in imo abdomine seri subcruenti libræ quasi duæ.

Malum hoc immedicabile penitus visum est, nisi quis morbi principiis obstitisset.

O B S E R V A T . II.

Salivæ Color insolitus.

Dominus Fox, quadragenarius, gracilis, biliosus, per mensem unum alterumve elanguerat, nausea, ictero & doloribus colicis vexatus: tandem ex epoto largiter vino pomaceo vehementissimo colices paroxysmo correptus me consulit, Vomitabat omnia, urinæ parum reddebat coloris lixivii, quæ sedimenti plurimum deponebat subviridis.

Ego statim illi potionem ex Ipecac. emeticam propinari jubeo, infuso dein C. Bened. affatim hausto plurima viscosa, biliosa, rejicit: tum enemate Terebinth. injecto alvus bis terve respondit. Ex sumpta mistura anodyna vomitus & tormina comprimuntur; jam de languore summo & abdominalis distensione conquestio; paulo etiam post recrudescit dolor. Bolum præscripsi ex Jalap. 3j. Calomelan. gr. viij. Spec. Diamb. gr. vj. Laud. solid. gr. j. Syrup. de Sp. Cerv. q. s. quam primum sumend. cum Tinct. sacr. 3ij. Hinc omnia pacata. post horas 12 ter fundit alvus perliquida, biliosa. Ex sumpto dein haustu anodyno nox tranquilla. Mane de dolore & faucium tumore queribundus crassa, subfusca, expuebat; mox abunde effluit saliva colore viridissima, bili porraceæ quam simillima, nisi quod tenuior. Perduravit fluxus hic salivæ viridis horas quasi

quasi 40, quo tempore sputavit quantum vix caperent sextarii duo: ad flavedinem dein vergebant color fluoris eo usque dum ad instar solutionis Gut. Gambæ evasit: quantitas autem aucta potius quam diminuta.

Perstitit & hicce color per horas etiam quadraginta, dein sensim pellucida facta est saliva, atque subito, uti oborta est, evanuit penitus salivatio.

Intra biennii spatum bis terve in icterum inciderat ante hujus morbi accessionem. Deinceps abhinc annis maxima salivatio sponte erumpens hunc ipsum hominem in summum vitæ discrimen intulerat; salvus autem evasit ope doctissimi expertissimique Medici, D. D. Pyne. Tunc vero temporis ne vel ξ hilum sumperat, nec ullo modo fuerat colorata saliva.

In hac historia observatu haud indigna quædam occurunt. Salivatio nempe sponte exuscitans, vel extantillo forsan Calomel. excitata. Calomel autem probe paratum novi, quippe qui plurimas ejusdemet doses, quarum aliquas ad scrupul. integrum, exhiberi jussoram, ne vel minimo sequente salivationis signo.

Occurrit porro, quantum ego saltem scio, salivæ inauditus color. Saliva viridi ita penitus tincti erant dentes & fauces quasi ærugine obducti fuissent: permanxit dentium color viridis quatuordecim post diebus quam convaluit.

Notandum præterea fluxum hunc salivæ fuisse criticum, quo iudicatus est & icterus & colicus morbus; ab incepiente enim salivatione ne vel minimus dolor ventris, & color cutis subviridis sensim evanuit, urinam etiam reddidit copiosius; sed subnigram. Ille vero, qui ante hunc fluxum valde languidus fuit & jam quasi moribundus maximum salivæ evacuationem $\epsilon\nu\pi\epsilon\rho\omega\sigma\varphi\epsilon\delta$.

Serum ictericorum tinctum esse bile omnibus notum est: nec alicui forsitan videatur magis mirandum serum

serum flavum posse per glandulas salivares excerni quam per serofa cutis vascula, quod tamen ictero laborantibus contigisse saepius observavimus, admoto prius epispaftico: de urina biliosa nil dicam. Unde vero color salivæ viridis haud ita facile dictu. Hujus opinor ego causam procatarticam esse pomacei vini potationem.

Bili si miscueris acidum color oritur viridis. Hinc torminosæ infantum dejectiones virides, lacte in ventriculo acescente. Hinc porracea bilis. Ponamus jam acidum pomaceum a venis lacteis vel & a mesaracis forsan, absorptum, seroque sanguinis bilioso permixtum: quid eveniret inde? Credo equidem flavi se-ri coloris in viride permutatio. Profiteor hercle, acida quæcumque a vi corporis vitali in alcalinam naturam mutantur, etiam ipsum vitrioli acidum: langue-scentibus autem viribus, concoctione læsa lympha ef-fœta facta, facta & inerte bile, queis adde sanguinem tardius circulantem, acida parum subacta, nec in pri-mis viis, nec in ipso sanguine, acidam exuunt natu-ram. Hoc testantur acidi debilium sudores, acidus-que in ore sapor a febribus inflammatoriis convales-centium, quibus ad restinguendam febrem largius fu-erat exhibitus acidus potus. Saepius certe memini me vinum pomaceum largiter potasse brevique urinam ip-sissimum potus odorem spirantem reddidisse. Cura-bam nuperrime mulierem summa hæmorrhagia, du-rante diu, correptam, cui inter cætera plurimum fue-rat exhibitum Elix. Vitriol. Mynsich. cessavit tandem hæmorrhagia, debilis autem inde reddita mulier inci-dit in leves spasmos, artuumque dolores, ventris tor-mina diarrhoea comitante, plures excrevit alvus dejectiones viridissimas, stercoris vaccini simillimas, talef-que per plures dies, quanquam Rhabarb. fuerat ter exhibitum ad expurgandas acidi particulas, intestinis

adhærentes. Hic sal acidus sanguini immisitus, post dies plures iterum è sanguine per intestina rejectus est, vi vitæ nullo fere modo subactus.

Microscopio olim observavit *Leewevenhoekius*, quod chyli sales acidi a bile redundantur & comminuantur, quum vero in jecore subsistat obstructa bilis, integris viribus vasa lactea permeat acidum. In ægrōto autem nostro bilem obstructam fuisse, patuit inde, quod alvus fuerat compressior, & foeces ante vomitum medicamento commotum reddidit albidas.

Hypothesis fortasse nostra illustretur magis, si perpendamus unde oriatur virginum *ναρκητῶν* color herbeus (ut cum *Plauto* loquar). His enim fructus immaturi, acetum atque id genus alia, summae sunt cupidiæ, vietiatis autem concoctionis organis, parum immutata sanguini miscentur, bilemque & sanguinem obruunt acidæ. Hinc glandulæ obstructæ, hinc facies ex viridi pallida, tumor hinc hydropicus; atque quod non levis est momenti jecur schirrosum ex chlorosi præmortuarum sæpe inventum fuit viride. Jam paucis restat dicendum unde colori salivæ viridi successit color flavus, quod inde factum arbitror, quia post acidum a sanguine partim ablegatum, partim & a motu sanguinis, ob cardiaca exhibita, aucto destrunctum, superfuit folium superflua bilis sanguine expellenda, quod & brevi secessit, referatis bilis poris, & per patulos salivæ ductus mirandum in modum excreta.